

四庫全書

集部

欽定四庫全書

集部

文章正宗

目錄
卷一

詳校官右中允臣薩敏

助教臣常循覆勘

覆校官中書臣康儀鈞

校對官中書臣范鏊

謄錄監生臣戴朝琛

欽定四庫全書

集部八

文章正宗

總集類

提要

臣等謹案文章正宗二十卷續集二十卷宋
真德秀編德秀有四書集編已著錄是集分
辭命議論叙事詩歌四類左傳國語以下至
于唐末之作按總集之選錄左傳國語自是
編始逆為後來坊刻古文之例
其持論甚嚴大意主于論理而不論文劉克

莊集有贈鄭寧文詩曰昔侍西山講讀時頗
于函丈得精微書如逐客猶遭黜辭取橫汾
亦恐非箏笛焉能諧雅樂綺羅原未識深衣
嗟予老矣君方少好向師門溯指歸其宗旨
具於是矣然克莊後村詩話又曰文章正宗
初萌芽以詩歌一門屬予編類且約以世教
民彝為主如仙釋閨情宮苑之類皆勿取余
取漢武帝秋風詞西山曰文中子亦以此詞

為悔心之萌豈其然乎意不欲收其嚴如此
然所謂懷佳人兮不能忘蓋指公卿扈從者
似非為後宮而設凡余所取而西山去之者
大半又增入陶詩甚多如三謝之類多不收
詳其詞意又若有所不滿於德秀者蓋道學
之儒與文章之士各明一義固不可得而強
同也顧炎武日知錄亦曰真希元文章正宗
所選詩一掃千古之陋歸之正旨然病其以

理為宗不得詩人之趣且如古詩十九首雖
非一人之作而漢代之風畧具乎此今以希
元之所刪者讀之不如飲美酒被服紬與素
何異唐風山有樞之篇良人惟古歡枉駕惠
前綏蓋亦邶風雄雉于飛之義牽牛織女意
仿大東兔絲女蘿情同車牽十九作中無甚
優劣必以坊淫正俗之旨嚴為繩削雖矯昭
明之枉恐失國風之義六代浮華固當刊落

必使徐庾不得為人陳隋不得為代母乃太甚豈非執理之過乎所論至為平允深中其失故德秀雖號名儒其說亦卓然成理而四五百年以來自講學家以外未有尊而用之者豈非不近人情之事終不能強行于天下歟然專執其法以論文固矯枉以過正兼存其理以救浮華治蕩之弊則亦未嘗無裨藏弄之家至今著錄厥亦有由矣續集二十卷

皆北宋之文闕詩歌辭命二門僅有叙事議
論而末一卷議論之文又有錄無書蓋未成
之本舊附前集以行今亦仍並錄焉乾隆四
十二年三月恭校上

總纂官

臣紀昀 臣陸錫熊 臣孫士毅

總校官

臣

陸費墀

欽定四庫全書

集部八

文章正宗目錄

總集類

卷一

辭命一

辭命二

卷二

辭命三

卷三

辭命四

卷四

議論一

議論二

卷五

議論三

議論四

卷六

議論五

卷七

議論六之一

卷八

議論六之二

卷九

議論六之三

卷十

議論六之四

卷十一

議論七

卷十二

議論八

卷十三

議論九

卷十四

議論十

卷十五

議論十一

卷十六

叙事一

卷十七

叙事二

卷十八

叙事三

卷十九

叙事四

卷二十

叙事五

卷二十一上

叙事六

卷二十一下

叙事七

卷二十二上

詩歌

卷二十二下

詩上

卷二十三

詩中

卷二十四

欽定四庫全書

文章正宗
目錄

詩下

文章正宗綱目

正宗云者以後世文辭之多變欲學者識其源流之
正也自昔集錄文章者衆矣若杜預摯虞諸家往往
堙沒弗傳今行於世者惟梁昭明文選姚鉉文粹而
已繇今眡之二書所錄果皆得源流之正乎夫士之
於學所以窮理而致用也文雖學之一事要亦不外
乎此故今所輯以明義理切世用為主其體本乎古
其指近乎經者然後取焉否則辭雖工亦不錄其目

凡四曰辭命曰議論曰叙事曰詩賦今凡二十餘卷
云紹定執除之歲正月甲申學易齋書

辭命

按周官太祝作六辭以通上下親疏遠近曰辭

鄭氏曰辭

謂辭

曰命

謂禋祀草創之命

曰誥

謂康誥盤庚之屬

曰會

謂胥命于蒲之命

曰禱

謂如衛太子戰禱

曰誅

謂如哀公誅孔子之誅

內史凡命諸侯及

孤卿大夫則策命之

策謂以簡策書王命

御史掌贊書

若今尚書作詔

文質諸先儒注釋之說則辭命以下皆王言也太祝

以下掌為之辭則所謂代言者也以書攷之其可見者有三一曰誥以之播告四方湯誥盤庚大誥多士多方康王之誥是也二曰誓以之行師誓衆甘誓泰誓牧誓費誓秦誓是也三曰命以之封國命官微子蔡仲君陳畢命君牙同命呂刑文侯之命是也他皆無傳焉意者王言之重惟此三者故聖人錄之以示訓乎漢世有制有詔有冊有璽書其名雖殊要皆王言也文章之施於朝廷布之天下者莫此為重故今

以為編之首書之諸篇聖人筆之為經不當與後世
文辭同錄獨取春秋內外傳所載周天子諭告諸侯
之辭列國往來應對之辭下至兩漢詔冊而止蓋魏
晉以降文辭猥下無復深純溫厚之指至偶儷之作
興而去古益遠矣學者欲知王言之體當以書之誥
誓命為祖而參之以此編則所謂正宗者庶乎其可
識矣

議論

按議論之文初無定體都俞吁咈發於君臣會聚之間語言問答見於師友切磋之際與凡秉筆而書締思而作者皆是也大抵以六經語孟為祖而書之大禹皋陶益稷仲虺之誥伊訓太甲咸有一德說命高宗彤日旅獒召誥無逸立政則正告君之體學者所當取灋然聖賢大訓不當與後之作者同錄今獨取春秋內外傳所載諫爭論說之辭先漢以後諸臣所上書疏封事之屬以為議論之首他所纂述或發明

義理或專析治道或褒貶人物以次而列焉書記往來雖不關大體而其文卓然為世膾炙者亦綴其末學者之議論一以聖賢為準的則反正之評詭道之辯不得而惑其文辭之灋度又必本之此編則華實相副彬彬乎可觀矣

叙事

按叙事起於古史官其體有二有紀一代之始終者書之堯典舜典與春秋之經是也後世本紀似之有

紀一事之始終者禹貢武成金縢顧命是也後世志
記之屬似之又有紀一人之始終者則先秦蓋未之
有而昉於漢司馬氏後之碑誌事狀之屬似之今於
書之諸篇與史之紀傳皆不復錄獨取左氏史漢叙
事之尤可喜者與後世記序傳誌之典則簡嚴者以
為作文之式若夫有志於史筆者自當深求春秋大
義而參之以遷固諸書非此所能該也

詩賦

按古者有詩自虞賡歌夏五子之歌始而備於孔子所定三百五篇若楚辭則又詩之變而賦之祖也朱文公嘗言古今之詩凡有三變蓋自書傳所記虞夏以來下及漢魏自為一等自晉宋間顏謝以後下及唐初自為一等自沈宋以後定著律詩下及今日又為一等然自唐初以前其為詩者固有高下而法猶未變至律詩出而後詩之古法始皆大變矣故嘗欲抄取經史諸書所載韻語下及文選古詩以盡乎郭

景純陶淵明之作自為一編而附于三百篇楚詞之後以為詩之根本準則又於其下二等之中擇其近於古者各為一編以為之羽翼與衛其不合者則悉去之不使其接於胷次要使方寸之中無一字世俗語言意思則其為詩不期於高遠而自高遠矣今惟虞夏二歌與三百五篇不錄外自餘皆以文公之言為準而拔其尤者列之此編律詩雖工亦不得與若箴銘頌贊郊廟樂歌琴操皆詩之屬間亦採摘一二

以附其間至於辭賦則有文公集注楚詞後語今亦
不錄或曰此編以明義理為主後世之詩其有之乎
曰三百五篇之詩其正言義理者蓋無幾而諷詠之
間悠然得其性情之正即所謂義理也後世之作雖
未可同日而語然其間興寄高遠讀之使人忘寵辱
去係吝儻然有自得之趣而於君親臣子大義亦時
有發焉其為性情心術之助反有過於他文者蓋不
必顯言性命而後為關於義理也讀者以是求之斯

得之矣

欽定四庫全書

文章正宗卷一

宋 真德秀 編

辭命一

周襄王不許晉文公請隧

國語下同。僖公二十四年初甘昭公有

寵於惠后惠后將立之未及而卒昭公奔齊王復之顏叔桃子奉太叔以狄師伐周大敗周師

王出適鄭二十五年晉侯殺太叔納王晉侯朝王王享禮命之宥請隧弗許與之陽樊溫原欒

茅之田太叔即甘昭公也

晉文公既定襄王于邲

韋氏曰邲洛邑王城之地也

王勞之以地辭

辭不

請隧焉

賈侍中云隧王之塋禮闕地通路曰隧

王弗許曰昔我先王

之有天下也規方千里以為甸服

規規畫而有之

以供上帝山

川百神之祀

以其職貢供王祭也

以備百姓兆民之用以待不庭

不虞之患

百姓百官有世功者用財用也庭直也虞度也不直猶不道也不度不億度而至之患

其餘以均分公侯伯子男

其餘甸服之外地也均平也

使各有寧宇

寧安也宇居也

以順及天地無逢其災害先王豈有賴焉

賴利也言

無所利

內官不過九御

九御九嬪

外官不過九品

九品九御

足以供

給神祇而已豈敢厭縱其耳目心腹以亂百度

厭足也耳目聲

色心腹嗜欲也

亦唯是死生之服物采章

采章采色文章也

以臨長百

姓而輕重布之王何異之有

輕重布之貴賤各有等也王何異之有言帝王皆然

得按此蓋謂禮有尊卑隆殺不然非王有心於自異也

今天降禍災於周室余

一人僅亦守府

僅猶劣也府先王之府藏

又不佞以勤叔父

勤勞也天子稱

九州之長同姓曰叔父

而班先王之大物以賞私德

班分也大物謂隧也

其

叔父實應且憎以非余一人余一人豈敢有愛也

憎惡也

愚按且憎言口是而心非之也

先民有言曰改王改行

玉佩玉所以節行步也君臣尊

卑遲速有節言服其服則行其禮

叔父若能光裕大德更姓改物以創

制天下自顯庸也

光廣裕寬也更姓易姓改物改正朔易服色也創造庸用也謂為天子造

創制度自顯用於天下

而縮取備物以鎮撫百姓

縮引也備物隨之屬

余一

人其流辟於裔土何辭之與有

流放也

若由是姬姓也尚

將列為公侯以復先王之職大物其未可改也叔父其

茂昭明德物將自至余敢以私勞變前之大章以忝天

下

章表也所以表明天子與諸侯異物也

其若先王與百姓何何政令之

為也若不然叔父有地而隧焉余安能知之

所不敢禁

文公

遂不敢請受地而還

愚按此篇要領在班先王之私物以賞私德一語後云余敢以私勞

變前之大章蓋覆說此意也晉文之定襄王自以為不
世之大功其請隧也蓋寢寢乎窺大物之漸襄王目之
曰私德曰私勞所以折其驕矜不遜之意玩其
辭氣若優游而實峻烈真可為告諭諸侯之法

襄王止晉殺衛侯

僖公二十八年衛侯奔楚元
咺奉叔武以守晉人復衛侯

衛侯入殺叔武元咺出奔衛侯與元咺訟衛侯
不勝執衛侯歸之于京師按叔武衛侯弟元咺
衛大夫叔武守國本無自立之意元咺亦忠
於國衛侯不察乃殺叔武故咺訟之于晉也

溫之會晉人執衛成公歸之于周晉侯請殺之王曰不

可夫政自上下者也

當從王出也

上作政而下行之不逆故

上下無怨今叔父作政而不行無乃不可乎

不行謂不順也言晉

侯不行德政而聽元
咥之愬欲殺衛侯

夫君臣無獄

獄訟也

今元咥雖直不

可聽也君臣皆獄父子將獄是無上下也而叔父聽之

一逆矣又為臣殺其君其安庸刑

庸用也
刑法也

布刑而不庸

再逆矣一合諸侯而有再逆政余懼其無後也不然余

何私於衛侯晉人乃歸衛侯

定王使王孫滿對楚子

宣三年左
傳下同

楚子伐陸渾之戎

楚莊
王也

遂至於雒觀兵于周疆

杜氏曰
雒水名

定王使王孫滿勞楚子

王孫滿
周大夫

楚子問鼎之大小輕重

焉

示欲偏周
取天下

對曰在德不在鼎昔夏之方有德也

禹之世

遠方圖物

圖畫山川奇異
之物而獻之

貢金九牧

使九州之
牧貢金

鑄鼎象

物

象所圖物
著之於鼎

百物而為之備使民知神姦

圖鬼神百物
之形使民逆

之故民入川澤山林不逢不若

若順也

螭魅罔兩

螭山神
獸形魅

怪物罔
兩水神

莫能逢之

逢遇也

用能協于上下以承天休桀有

昏德鼎遷于商載祀六百

載祀
皆年

商紂暴虐鼎遷于周德

之休明雖小重也其姦回昏亂雖大輕也天祚明德有

所底止

底致也

成王定鼎于郊

郊鄆今河南也武
王遷之成王定之

卜世

三十卜年七百天所命也周德雖衰天命未改鼎之輕重未可問也

定王辭鞏朔獻齊捷

成二年晉師敗齊師于鞏

晉侯使鞏朔獻齊捷于周王弗見使單襄公辭焉曰蠻

夷戎狄不式王命

杜氏曰式用也

淫泆毀常王命伐之則有獻

捷王親受而勞之所以懲不敬勸有功也兄弟甥舅侵

敗王畧

兄弟同姓國甥舅異姓國略經略法度

王命伐之告事而已不獻

其功所以敬親暱禁淫慝也

淫慝為醜掠百姓取囚俘也

今叔父克

遂有功于齊而不使命卿鎮撫王室所使來撫余一人

而鞏伯實來未有職司於王室

鞏朔上軍大夫非命卿名位不達於王室

又奸先王之禮

謂獻齊捷

余雖欲於鞏伯

欲受其獻

其敢廢舊典以

忝叔父夫齊甥舅之國也而大師之後也

齊世與周昏故曰甥舅

寧不亦淫從其欲以怒叔父抑豈不可諫誨士莊伯不

能對

莊伯鞏朔

王使委於三吏

委屬也三吏三公也

禮之如侯伯克敵

使大夫告慶之禮降於卿禮一等

景王使詹桓伯責晉

昭九年

周甘人與晉閭嘉爭閭田

杜氏曰甘人甘大夫襄閭嘉晉閭縣大夫

晉梁丙

張趯

皆大夫

率陰戎伐潁

陰戎陸渾之戎潁周邑

王使詹桓伯辭於

晉

辭責讓之桓伯周大夫

曰我自夏以后稷魏駘芮岐畢吾西土

也

在夏世以后稷功受此五國為西土之長

及武王克商蒲姑商奄吾東土

也巴濮楚鄧吾南土也肅慎燕亳吾北土也吾何邇封

之有

邇近也

文武成康之建母弟以蕃屏周亦其廢隊是

為

為後世廢隊兄弟之國當救濟之

豈如弁髦而因以敝之

童子垂髦始冠必三

加冠成禮而棄其始冠故言弁髦因以敝之弁亦冠也

先王居櫛杙于四裔以禦

螭魅

言檮杌略舉四凶之一下言四裔則三苗在其中

故允姓之姦居于瓜州

允姓陰戎之祖與三苗俱放三危者瓜州今敦煌

伯父惠公歸自秦而誘以來

僖十五年晉惠公自秦歸二十二年秦晉遷陸渾之戎於伊川

使偁我諸姬入我郊甸

則戎焉取之

邑外為郊郊外為甸言戎取周郊甸之地

我有中國誰之咎也

咎在晉

后稷封殖天下今戎制之不亦難乎伯父圖之我

在伯父猶衣服之有冠冕木水之有本原民人之有謀

主也

民人謀主宗族之師長

伯父若裂冠毀冕拔本塞原專棄謀

主雖戎狄其何有余一人

伯父猶然則雖戎狄無所可責晉率陰戎伐周邑故云然

叔向謂宣子曰文之伯也豈能改物翼戴天子而加之
以共自文以來世有衰德而暴蔑宗周以宣示其侈諸
侯之貳不亦宜乎且王辭直子其圖之宣子說王有姻
喪使趙成如周弔且致閭田與襚反賴俘王亦使賓滑
執甘大夫襄以說於晉晉人禮而歸之

敬王告晉請城成周

昭二十三年尹氏立王子
朝傳春王正月二師圍郊

二十六年天王入于成周王子朝奔楚晉
師使成公般戍周而還三十二年云云

王使富辛與石張如晉請城成周

杜氏曰子朝之亂其
餘黨多在王城敬王

畏之徒都成周成周狹小故請城之

天子曰天降禍于周俾我兄弟並有

亂心以為伯父憂

兄弟謂子朝也伯父謂晉侯

我一二親暱甥舅不

皇啓處於今十年

謂二十三年

勤戍五年

謂二十八年晉藉秦致諸侯之戍至

于余一人無日忘之

念諸侯勞

閔閔焉如農夫之望歲懼以

待時

閔閔憂貌

伯父若肆大惠復二文之業弛周室之憂

肆展

放也二文謂文侯仇文公重耳也弛猶解也

徼文武之福以固盟主宣昭令

名則余一人有大願矣昔成王合諸侯城成周以為東

都崇文德焉

作成周遷殷民以為京師之東都所以崇文王之德

今我欲徼福假

靈于成王修成周之城俾戍人無勤諸侯用寧螫賊遠

屏晉之力也

螫賊喻災害

其委諸伯父使伯父實重圖之俾

我一人無徵怨于百姓

徵召也

而伯父有榮施先王庸之

庸功也先王之靈以為大功

范獻子謂魏獻子曰與其戍周不如城

之天子實云雖有後事晉勿與知可也從王命以紓諸

侯晉國無憂是之不務而又焉從事魏獻子曰善使伯

音對曰天子有命敢不奉承以奔告於諸侯遲速衰序

於是焉在

按周之望於晉者切矣而范鞅乃曰雖有後事晉勿與知豈誠於圖王室者哉此伯業之

所以
衰也

右周天子告諭諸侯之辭凡六事

辭命二

楚屈完對齊侯

左氏傳下同 僖四年春公會齊侯宋公陳侯衛侯鄭伯許男

曹伯侵蔡蔡潰遂伐楚

齊侯以諸侯之師侵蔡蔡潰遂伐楚楚子使與師言曰

君處北海寡人處南海唯是風馬牛不相及也

杜氏曰楚界猶

未至南海因齊處北海遂稱所近牛馬風逸蓋未界之微事故以取喻

不虞君之涉吾地

也何故管仲對曰昔召康公命我先君大公曰五侯九

伯女實征之以夾輔周室

五等諸侯九州之伯皆得征討其罪齊桓因此命以參楚

賜我先君履東至于海西至于河南至于穆陵北至于

無棣

穆陵無棣皆齊竟也履所踐履之界齊桓又因以自言其盛

爾貢包茅不入王

祭不共無以縮酒寡人是徵昭王南征而不復寡人是

問

昭王成王之孫南巡守涉漢船壞而溺周人諱而不赴諸侯不知其故故問之

對曰貢之不

入寡君之罪也敢不共給昭王之不復君其問諸水濱

昭王時漢非楚竟故不受罪。按荆楚僭王罪之大者也包茅不入罪之小者也昭王之不復則非其罪矣管

仲不以僭王責之而舉此二罪是舍其所當責而責其
不必責也仲豈惜乎哉吁此其所以為霸者之師也禹
之征苗湯之伐桀皆明徵其辭蓋有諸已而后可求諸
人無諸已而後可非諸人齊桓之霸所謂以力服人而
非心服者也內嬖如嫡同產不嫁內之失德者多矣滅
譚滅遂遷陽降鄆外之失義者多矣楚大國也僭王其
大忌也我以大忌責之彼肯弭然受責者哉必斥吾之
惡以對方八國之師雲集而為敵人指數其惡豈不為
諸侯羞攻之弗克圓之弗下將何詞以退師乎故舍其
所當責者而及其不必責者庶幾楚人之為辭也易不
盡力以抗我我之服楚也亦易不勞師而有功
仲蓋計之熟矣嗚呼此其所以為霸者之師歟師進次

于陘

楚不服罪
故復進師

夏楚子使屈完如師

如陘之師
觀強弱

師退次

于召陵

完請
盟故

齊侯陳諸侯之師與屈完乘而觀之

乘共
載

齊侯曰豈不穀是為先君之好是繼與不穀同好如何
對曰君惠徼福於敝邑之社稷辱收寡君寡君之願也
齊侯曰以此衆戰誰能禦之以此攻城何城不克對曰
君若以德綏諸侯誰敢不服君若以力楚國方城以為
城漢水以為池方城山在南陽葉縣南以言竟上之遠漢水出武都至江夏南入江言其險固
以當城池雖衆無所用之屈完及諸侯盟按屈完之對纔數語耳皆足以折服
齊侯之心蓋善於辭令者也

晉陰飴甥對秦伯

十五年秦伯伐晉秦獲晉侯以歸穆姬請于秦伯乃與晉

平

晉陰飴甥會秦伯盟于王城

杜氏曰陰飴甥即呂甥也食采於陰王城秦地

秦

伯曰晉國和乎對曰不和小人恥失其君而悼喪其親

痛其親為秦所殺

不憚征繕以立圉也

圉惠公子

曰必報讎寧事戎

狄君子愛其君而知其罪不憚征繕以待秦命曰必報

德有死無二以此不和秦伯曰國謂君何對曰小人感

謂之不免君子恕以為必歸小人曰我毒秦秦豈歸君

毒謂三施不報

君子曰我知罪矣秦必歸君貳而執之服而舍

之德莫厚焉刑莫威焉服者懷德貳者畏刑此一役也
秦可以霸納而不定廢而不立以德為怨秦不其然秦
伯曰是吾心也改館晉侯饋七牢焉

牛羊豕各一為一牢

魯展喜犒齊師

二十六
年夏

齊孝公伐我北鄙公使展喜犒師使受命于展禽

杜氏曰柳

下齊侯未入竟展喜從之曰寡君聞君親舉玉趾將辱

於敝邑使下臣犒執事

言執事不敢斥尊也

齊侯曰魯人恐乎對

曰小人恐矣君子則否齊侯曰室如懸磬野無青草何

恃而不恐對曰恃先王之命昔周公大股肱周室夾

輔成王成王勞之而賜之盟曰世世子孫無相害也載

在盟府

載載書也

大師職之

職主也大公為大師兼主司盟之官

桓公是以糾

合諸侯而謀其不協彌縫其闕而匡救其災昭舊職也

及君即位諸侯之望曰其率桓之功

率循也

我敝邑用不

敢保聚曰豈其嗣世九年而棄命廢職其若先君何君

必不然恃此以不恐齊侯乃還

鄭燭之武說秦伯

三十年九月

晉侯秦伯圍鄭以其無禮於晉

杜氏曰文公亡過鄭鄭不禮之

且貳於

楚也晉軍函陵秦軍汜南佚之狐言於鄭伯曰國危矣

若使燭之武見秦君師必退

佚之狐燭之武皆鄭大夫

公從之辭曰

臣之壯也猶不如人今老矣無能為也已公曰吾不能

早用子今急而求子是寡人之過也然鄭亡子亦有不

利焉許之夜縋而出

縋縣城而下

見秦伯曰秦晉圍鄭鄭既

知亡矣若亡鄭而有益於君敢以煩執事

執事亦謂秦

越國

以鄙遠君知其難也

設得鄭以為秦邊邑則越晉而難保

焉用亡鄭以陪

鄰

陪益也

鄰之厚君之薄也若舍鄭以為東道主行李之

往來共其乏困

行李使人

君亦無所害且君嘗為晉君賜矣

許君焦瑕朝濟而夕設版焉君之所知也

晉君謂惠公也焦瑕晉河

外五城之二邑朝濟河而夕設版禁以距秦言背秦之速

夫晉何厭之有既東封鄭

又欲肆其西封

封疆也肆申也

若不闕秦將焉取之闕秦以利

晉唯君圖之秦伯說與鄭人盟使杞子逢孫楊孫戍之

乃還

三子秦大夫反為鄭守

鄭子家告趙宣子

文十七年

晉侯蒐于黃父

杜氏曰晉地

遂復合諸侯于扈於是晉侯不

見鄭伯以為貳於楚也鄭子家使執訊而與之書以告

趙宣子

執訊通訊問之官為書與宣子

曰寡君即位三年

魯文二年

召蔡侯

而與之事君九月蔡侯入于敝邑以行

行朝

也敝邑以侯

宣多之難寡君是以不得與蔡侯偕

宣多既立穆公恃寵專權

十一

月克減侯宣多而隨蔡侯以朝于執事

減損也難未盡而行言汲汲於

朝

十二年六月歸生佐寡君之嫡夷

歸生子家名夷太子名

以請

陳侯于楚而朝諸君

請陳于楚與俱朝晉

十四年七月寡君又朝

以藏陳事

藏勅也勅成前好

十五年五月陳侯自敝邑往朝于

君往年正月燭之武往朝夷也

將夷往朝晉

八月寡君又往

朝以陳蔡之密邇於楚而不敢貳焉則敝邑之故也雖

敝邑之事君何以不免

免免罪也

在位之中一朝于襄

襄公而

再見于君

君靈公也

夷與孤之二三臣相及於絳

孤之二三臣謂燭之

武歸生自謂也絳晉國都

雖我小國則蔑以過之矣今大國曰爾未

逞吾志敝邑有亡無以加焉古人有言曰畏首畏尾身

其餘幾

言首尾有畏則身中不畏者少

又曰鹿死不擇音

音所秣蔭之處古字聲同

皆相假借

小國之事大國也德則其人也

以德加已則不以人道相事

不德

則其鹿也鋌而走險急何能擇

鋌疾走貌言急則欲蔭狝於楚如鹿赴險

命

之罔極亦知亡矣

言晉命無極

將悉敝賦以待於儵唯執事

命之

儵晉鄭之竟言欲以兵距晉

文公二年六月壬申朝于齊

鄭文二年

六月壬申魯莊二十三年六月二十四日

四年二月壬戌為齊侵蔡

魯莊二十五年

二月無壬戌壬戌三月二十日

亦獲成於楚

鄭與楚成

居大國之間而從於

彊令豈其罪也

令號令也

大國若弗弗圖無所逃命晉鞏朔行

成於鄭趙穿公壻池為質焉

趙穿卿也公壻池晉侯女壻按鄭小國也子家辭

直而晉遽畏之以其圻為質若事
大國焉辭之不可已也如是夫

晉解揚對楚子

宣十五年春

公孫歸父會楚子于宋宋人使樂嬰齊告急于晉晉侯
欲救之伯宗曰不可

伯宗晉大夫

乃止使解揚如宋使無降

楚曰晉師悉起將至矣鄭人囚而獻諸楚楚子厚賂之
使反其言不許三而許之登諸樓車使呼宋人而告之

樓車車上望槽

遂致其君命楚子將殺之使與之言曰爾既許

不殺而反之何故非我無信女則棄之速即爾刑對曰

臣聞之君能制命為義臣能承命為信信載義而行之
為利謀不失利以衛社稷民之主也義無二信信無二
命君之賂臣不知命也受命以出有死無實賈廢又可
賂乎臣之許君以成命也死而成命臣之祿也寡君有
信臣下臣獲考考成也死又何求楚子舍之以歸

齊國佐對晉人

成二年六月季孫行父臧孫許叔孫僑如公孫嬰齊帥師會晉

卻克衛孫良父曹公子首及齊侯戰于鞏齊師敗績秋七月齊侯使國佐如師

晉師從齊師入自邱輿擊馬陘

杜氏曰邱輿馬陘皆齊邑

齊侯使賈

媚人賂以紀甌王磬與地

媚人國佐也甌王甌皆滅紀所得

不可則聽

客之所為賓媚人致賂晉人不可曰必以蕭同叔子為

質

同叔蕭君之字齊侯外祖父子女也難斥言其母故遠言之

而使齊之封內盡東

其畝

使隴畝東西行

對曰蕭同叔子非他寡君之母也若以匹

敵則亦晉君之母也吾子布大命於諸侯而曰必質其

母以為信其若王命何

言違王命

且是以不孝令也詩曰孝

子不匱永錫爾類

詩大雅言孝心不乏者又能以孝道長錫其志類

若以不孝

令於諸侯其無乃非德類也乎

不以孝德錫同類

先王疆理天

下物土之宜而布其利

疆界也理正也物土之宜播殖之物各從土宜

故詩曰

我疆我理南東其畝

詩小雅或南或東從其土宜

今吾子疆理諸侯

而曰盡東其畝而已唯吾子戎車是利

晉之伐齊循壑東行易

無

顧土宜其無乃非先王之命也乎反先王則不義何以

為盟主其晉實有闕

失闕

四王之王也

禹湯文武

樹德而濟同

欲馬

樹立也濟成也

五伯之霸也

夏伯昆吾商伯大彭豕韋周伯齊桓晉文

勤而撫

之以役王命

役事也

今吾子求合諸侯以逞無疆之欲

競疆

也詩曰布政優優百祿是道

詩頌殷湯布政優和故百祿來聚道聚也

子實

不優而棄百祿諸侯何害焉

言不能為諸侯害

不然

不見許

寡君

之命使臣則有辭矣曰子以君師辱於敝邑不腆敝賦

以犒從者

戰而曰犒為孫辭

畏君之震師徒撓敗

震動撓曲也

吾子

惠徼齊國之福不泯其社稷使繼舊好唯是先君之敝

器土地不敢愛子又不許請收合餘燼

燼火餘本

背城借一

欲於城下復借一戰

敝邑之幸亦云從也況其不幸敢不唯命是

聽

魯衛諫曰齊疾我矣其死亡者皆親軀也子若不許譬我必甚唯子則又何求子得其國寶我亦得地而

紆於難其榮多矣齊晉亦唯天所授豈必晉晉人許之對曰羣臣帥賦與以為魯衛請若苟有以藉口而復於

寡君君之惠也敢不唯命是聽秋七月晉師
及齊國佐盟于袁婁使齊人歸我汶陽之田

晉智瑩對楚子

成三年春

晉人歸楚公子穀臣與連尹襄老之尸于楚以求知瑩

杜氏曰邲之戰楚獲知瑩

於是荀首佐中軍矣

荀首知瑩父

故楚人許之

王送知瑩曰子其怨我乎對曰二國治戎臣不才不勝

其任以為俘馘執事不以釁鼓

以血塗鼓為釁鼓

使歸即戮君

之惠也臣實不才又誰敢怨王曰然則德我乎對曰二

國圖其社稷而求紓其民

紓緩也

各懲其忿以相宥也

宥赦

也 兩釋纍囚以成其好纍繫也 二國有好臣不與其誰

敢德

言二國本不為己

王曰子歸何以報我對曰臣不任受怨

君亦不任受德無怨無德不知所報王曰雖然必告不

穀對曰以君之靈纍臣得歸骨於晉寡君之以為戮死

且不朽若從君之惠而免之以賜君之外臣首

稱於異國君曰

外首其請於寡君而以戮於宗亦死且不朽若不獲命

君不許戮

而使嗣宗職

嗣其祖宗之位職

次及於事而帥偏師以脩

封疆雖遇執事

遇楚將帥

其弗敢違

違辟也

其竭力致死無有

二心以盡臣禮所以報也王曰晉未可與爭重為之禮而歸之

魯季文子語晉韓穿

成二年晉使齊人歸我汶陽之田八年春晉侯使韓

穿來云云杜氏曰齊服事晉故

晉來語魯使還二年所取田

晉侯使韓穿來言汶陽之田歸之于齊季文子餞之

杜氏

曰餞送行飲酒私焉之言

私與曰大國制義以為盟主是以諸侯懷

德畏討無有貳心謂汶陽之田敝邑之舊也而用師於

齊使歸諸敝邑

用師韋之戰

今有二命曰歸諸齊信以行義

義以成命小國所望而懷也信不可知義無所立四方

諸侯其誰不解體詩曰女也不爽士貳其行士也罔極

二三其德

爽差也極中也詩衛風婦人怨丈夫不一其行喻魯事晉猶女之不敢過差而晉有罔極

之心反二三其德

七年之中一與一奪二三孰甚焉士之二三

猶喪妃耦而况霸主霸主將德是以

以用也

而二三之其

何以長有諸侯乎詩曰猶之未遠是用大簡

猶圖也簡諫也詩大

雅言王者圖事不遠故用大道諫之

行父懼晉之不遠猶而失諸侯也是

以敢私言之

晉卻至答楚子反

十二年宋華元克合晉楚之成

晉卻至如楚聘且涖盟楚子享之子反相為地室而縣

焉

杜氏曰縣鐘鼓也

卻至將登

登堂

金奏作於下

擊鐘而奏樂

驚而走

出子反曰日云莫矣寡君須矣吾子其入也賓曰君不

忘先君之好施及下臣貺之以大禮重之以備樂

貺賜也

如天之福兩君相見何以代此下臣不敢

言此兩君相見之禮

子

反曰如天之福兩君相見無亦唯是一矢以相加遺焉

用樂

言兩君戰乃相見無用此樂

寡君須矣吾子其入也賓曰若讓

之以一矢禍之大者其何福之為世之治也諸侯間於

天子之事則相朝也

王事間缺則修私好

於是乎有享宴之禮享

以訓共儉

享有體薦設几而不倚爵盈而不飲有乾而不食所以訓共儉

宴以示慈惠

宴則折俎相與共食

共儉以行禮而慈惠以布政政以禮成民是

以息百官承事朝而不夕

不夕言無事

此公侯之所以扞城

其民也

扞蔽也言享宴結好鄰國所以蔽扞其民

故詩曰赳赳武夫公侯干

城

詩周南之風赳赳武貌于扞也言公侯之與武夫止于扞難而已

及其亂也諸侯貪

冒侵欲不忌爭尋常以盡其民

八尺曰尋倍尋曰常言爭尺丈之地以相攻伐

略其武夫以為已腹心股肱爪牙

略取也言世亂則公侯制禦武夫以從已

志使侵害鄰國為搏噬之用無已

故詩曰赳赳武夫公侯腹心

舉詩之正以駁

亂義詩言治世則武夫能合德公侯外為杆城內制其腹心

天下有道則公侯能為

民干城而制其腹心亂則反之

畧其武夫以為已腹心爪牙

今吾子

之言亂之道也不可以為法然吾子主也至敢不從遂入卒事歸以語范文子文子曰無禮必食言吾死無日

矣夫

言晉楚不能久和必復相伐為十六年鄆陵戰張本

晉侯使呂相絕秦

十三年夏四月

晉侯使呂相絕秦

杜氏曰呂相魏錡子蓋口宣已命

曰昔逮我獻公及

穆公

晉獻秦穆

相好戮力同心申之以盟誓重之以昏姻

穆公

夫人獻公之女

天禍晉國文公如齊惠公如秦

辟驪姬也不言狄梁舉所恃大

國無祿獻公即世穆公不忘舊德俾我惠公用能奉祀

于晉

僖十年秦納惠公

又不能成大勲而為韓之師

僖十五年秦伐晉獲

惠公

亦悔于厥心用集我文公

集成也

是穆之成也

成功於晉文

公躬擐甲冑跋履山川

草行為跋

踰越險阻征東之諸侯虞

夏商周之胤而朝諸秦則亦既報舊德矣鄭人怒君之

疆場我文公帥諸侯及秦圍鄭

晉自以鄭貳於楚故圍之鄭非侵秦也晉以此

誣秦事在僖三十年

秦大夫不詢于我寡君擅及鄭盟

詢謀也盟者秦伯謙

言大夫

諸侯疾之將致命于秦

致命而討秦時無諸侯蓋諸侯遙致此意

文

公恐懼綏靜諸侯秦師克還無害是我有大造于西也

造成也言晉有成功於秦

無祿文公即世穆為不弔

不見弔傷

蔑死我君

寡我襄公

寡弱也

迭我殽地奸絕我好伐我保城殄滅我

費滑

伐保城誣之費滑滑國都於費

散離我兄弟撓亂我同盟

滑晉同姓傾

覆我國家我襄公未忘君之舊勲

納文公之勲

而懼社稷之

隕是以有殺之師

在僖三十三年

猶願赦罪于穆公

晉欲求解於秦穆

公弗聽而即楚謀我天誘其衷成王隕命

秦使闕克歸楚求成事見

文十四年文元年楚弑成王

穆公是以不克逞志于我

逞快也

穆襄即

世康靈即位

文六年晉襄秦穆皆卒

康公我之自出

晉外甥

又欲闕

翦我公室傾覆我社稷帥我蝥賊以來蕩擗我邊疆

蝥賊

食禾稼蟲名謂秦納公子雍

我是以有令狐之役

在文七年

康猶不悛入

我河曲

悛改也

伐我涑川俘我王官

涑水名

翦我羈馬我是

以有河曲之戰

在文十二年

東道之不通則是康公之絕我

好也

言康公自絕故不復東通晉

及君之嗣也

君秦桓公

我君景公引領

西望曰庶撫我乎

望秦撫恤晉

君亦不惠稱盟

不肯稱晉望而共盟

利

吾有狄難

謂晉滅潞氏時

入我河縣焚我箕郛芟夷我農功

夷傷

也虔劉我邊垂

虔劉皆殺也

我是以有輔氏之聚

聚衆也在宣十五年

君亦悔禍之延

延長也

而欲徼福于先君獻穆

晉獻穆

使伯

車來命我景公

伯車秦桓公子

曰吾與女同好棄惡復脩舊德

以追念前勲言誓未就景公即世我寡君是以有令狐

之會

令狐會在十一年申厲公之命宜言寡人稱君誤也

君又不祥

祥善也

背棄盟

誓曰狄及君同州

及與也

君之仇讎而我昏姻也

季隗盾咎如赤

狄之女也白狄伐而獲之納諸文公

君來賜命曰吾與女伐狄寡君不敢

顧昏姻畏君之威而受命于吏君有二心於狄曰晉將

伐女狄應且憎是用告我

言狄雖應答秦而心實憎秦無信

楚人惡君

之二三其德也亦來告我曰秦背令狐之盟而來求盟于

我昭告昊天上帝秦三公楚三王

三公穆康共三王成穆莊

曰余雖

與晉出入

出入猶往來

余唯利是視不穀惡其無成德是用

宣之以懲不壹諸侯備聞此言斯是用痛心疾首眴就

寡人

疾首痛也
暱親也

寡人帥以聽命唯好是求君若惠顧諸

侯矜哀寡人而賜之盟則寡人之願也其承寧諸侯以

退

承君之意以
寧靜諸侯

豈敢徼亂

徼要也

君若不施大惠寡人不

佞其不能以諸侯退矣敢盡布之執事俾執事實圖利

之

俾使也

秦桓公既與晉厲公為令狐之盟而又召狄與

楚欲道以伐晉諸侯是以睦於晉

晉辭多誣秦故傳據
此三事以正秦罪

魯使聲伯請季孫于晉

十六年會于沙隨謀伐
鄭晉侯以叔孫僑如之

謀不見公

執季文子

晉人執季文子于荅邱公還待于鄆杜氏曰鄆魯西邑使子叔

聲伯請季孫于晉卻曄曰苟去仲孫蔑孟獻而止季孫行

父吾與子國親於公室親魯甚於晉公室對曰僑如之情子必

聞之矣聞其淫惡情通按此謂通於穆姜而欲去季孟也若去蔑與行父是大

棄魯國而罪寡君也若猶不棄而惠徼周公之福使寡

君得事晉君則夫二人者魯國社稷之臣也若朝亡之

魯必夕亡以魯之密邇仇讐仇讐謂齊楚亡而為讎治之何

及言魯屬齊楚則還為晉讎卻曄曰吾為子請邑對曰嬰齊魯之常

隸也

隸賤官也

敢介大國以求厚焉

介因也

承寡君之命以請

承奉也

若得所請吾子之賜多矣又何求

范文子謂樂武子曰季孫於魯

相二君矣妾不衣帛馬不食粟可不謂忠乎信讒慝而
弃忠良若諸侯何子叔嬰齊奉君命無私謀國家不貳
圖其身不忘其君若虛其請是弃善人也子其圖之乃許魯平赦季孫

鄭告晉受盟于楚

襄八年夏鄭子國子耳侵蔡楚子囊伐鄭

楚子囊伐鄭討其侵蔡也子駟子國子耳欲從楚子孔

子矯子展欲待晉

杜氏曰待晉米救子孔穆公
子子矯子游子子展子罕子

子駟曰

周詩有之曰俟河之清人壽幾何

逸詩也言人壽促而
河清遲喻晉之不可

待
兆云詢多職競作羅

兆卜詢謀也職主也言既卜且謀多則競作羅網之難無成功

謀之多族民之多違

族家也

事滋無成

滋益也

民急矣姑從

楚以紓吾民晉師至吾又從之敬共幣帛以待來者小

國之道也犧牲玉帛待於二竟

二竟晉楚界

以待彊者而庇

民焉寇不為害民不罷病不亦可乎子展曰小所以事

大信也小國無信兵亂日至亡無日矣五會之信

謂三年會

雞澤五年會戚又會城棣七年會鄒八年會邢邱

今將背之雖楚救我將安用

之言失信得親我無成

晉親鄭

鄙我是欲

楚欲以鄭為鄙邑而反欲與成

不可從也

言子駟不可從

不如待晉晉君方明四軍無闕八卿

和睦必不棄鄭

四軍謂上中下新軍也軍有二卿

楚師遼遠糧食將盡

必將速歸何患焉舍之聞之

舍之子展名

杖莫如信完守以

老楚杖信以待晉不亦可乎子駟曰詩云謀夫孔多是

用不集

詩小雅孔甚是也集就也言人欲為政是非相亂而不成

發言盈庭誰敢執

其咎

言謀者多若有不善無適受其咎

如匪行邁謀是用不得于道

匪彼

也行邁謀謀於路人也

請從楚駢也受其咎

駢子駢名乃及

楚平使王子伯駢告于晉

伯駢晉大夫

曰君命敝邑修而車

賦傲而師徒以討亂略蔡人不從敝邑之人不敢寧處

悉索敝賦

索盡也

以討于蔡獲司馬燹獻于邢邱今楚來

討曰女何故稱兵于蔡

稱舉也

焚我郊保

郭外曰郊保守也

馮陵

我城郭

馮迫也

敝邑之衆夫婦男女不皇啓處以相救也

皇暇也啓跪也

翦焉傾覆無所控告

翦盡也控告引也

民死亡者非其父

兄即其子弟夫人愁痛

夫人猶人人也

不知所庇民知窮困而

受盟于楚孤也與其二三臣不能禁止

孤鄭伯

不敢不告

知武子使行人子員對之曰君有楚命

見討之命

亦不使一

介行李告于寡君

一介獨使也行李行人也

而即安于楚君之所欲

也誰敢違君寡君將帥諸侯以見于城下唯君圖之

鄭公子騂與晉盟

襄九年十一月己亥

同盟于戲鄭服也

杜氏曰鄭服故言同

將盟鄭六卿公子騂

子駟公

子嘉

子孔

公孫輒

子耳

公孫蠆

子蟜

公孫舍之

子展

及其大夫門

子皆從鄭伯

門子卿之適子

晉士莊子為載書

莊子士弱載書盟書

曰自

今日既盟之後鄭國而不唯晉命是聽而或有異志者

有如此盟

如違盟之罰

公子騂趨進曰天禍鄭國使介居二

大國之間

介猶間也

大國不加德音而亂以要之

謂以兵亂之力強要

鄭

使其鬼神不獲歆其裡祀其民人不獲享其土利夫

婦辛苦墊隘無所底告

墊隘猶委頓底至也

自今日既盟之後鄭

國而不唯有禮與彊可以庇民者是從而敢有異志者

亦如之

亦如此盟

荀偃曰改載書公孫舍之曰昭大神要言

焉

要誓以告神

若可改也大國亦可叛也知武子謂獻子曰

我實不德而要人以盟豈禮也哉非禮何以主盟姑盟而退脩德息師而來終必獲鄭何必今日我之不德民

將棄我豈唯鄭若能休和遠人將至何恃於鄭乃盟而

還

遂兩用
載書

戎子駒支對范宣子

襄十四
年春

吳告敗于晉

杜氏曰前年
為楚所敗

會于向為吳謀楚故也

謀為
吳伐

楚將執戎子駒支

駒支戎
子名

范宣子親數諸朝

行之所在
亦設朝位

曰來姜戎氏昔秦人迫逐乃祖吾離于瓜州

四嶽之後
皆姜姓又

別為允姓瓜州
地在今燉煌

乃祖吾離被苫蓋

蓋苫之
別名

蒙荊棘以來

歸我先君

蒙冒
也

我先君惠公有不腆之由

腆厚
也

與女剖

分而食之

中分
為剖

今諸侯之事我寡君不如昔者蓋言語

漏洩則職女之由

職主
也

詰朝之事爾無與焉

詰朝明旦
不使復得

與會
事

與將執女對曰昔秦人負恃其衆貪于土地逐我

諸戎惠公蠲其大德

蠲明
也

謂我是四嶽之裔胄也

四嶽
堯時

方伯姜姓也裔
遠也胄後也

母是翦棄

翦削
也

賜我南鄙之田狐狸所

居豺狼所嗥我諸戎除翦其荆棘驅其狐狸豺狼以為

先君不侵不叛之臣至于今不貳

不內侵亦
不外叛

昔文公與

秦伐鄭秦人竊與鄭盟而舍戍焉

在僖三
十年

於是乎有殺

之師

在僖三十三年

晉禦其上戎亢其下

亢猶當也

秦師不復我諸

戎實然譬如捕鹿晉人角之諸戎犄之

犄其足也

與晉路之

路僵也

戎何以不免自是以來晉之百役與我諸戎相繼

于時

言給晉役不曠時

以從執政猶殺志也

意常如殺無中二也

豈敢離

過今官之師旅無乃實有所闕以攜諸侯而罪我諸戎

我諸戎飲食衣服不與華同贄幣不通言語不達何惡

之能為不與於會亦無費焉

費閭也

賦青蠅而退

青蠅詩小雅取

其愷悌君子無信譏言

宣子辭焉

辭謝

使即事於會成愷悌也

成愷悌不

信說也

鄭公孫僑對晉徵朝

二十二年夏

晉人徵朝于鄭

杜氏曰召鄭使朝

鄭人使少正公孫僑對

少正鄭卿

官也公孫僑子產

曰在晉先君悼公九年我寡君於是即位

魯襄

八年即位八月

即位年之八月

而我先大夫子駟從寡君以朝于

執事執事不禮於寡君

言朝執事謙不敢斥晉侯

晉是以有戲之役

在九年

楚人猶競而申禮於敝邑敝邑欲從執事而懼為

大尤曰晉其謂我不共有禮是以不敢攜貳於楚我四

年三月先大夫子矯又從寡君以觀釁於楚

實朝言觀釁飾辭也

言欲往視楚知可往否

晉於是乎有蕭魚之役

在十一年

謂我敝邑邇

在晉國譬諸草木吾臭味也

晉鄭同姓故

而何敢差池

差池不齊

也楚亦不競寡君盡其土實

土地所有

重之以宗器

宗廟禮樂之器

鐘磬之屬

以受齊盟

齊同也

遂帥群臣隨于執事以會歲終

正朝

貳於楚者子侯石孟歸而討之

石孟石鼻

溴梁之明年

溴梁在十

六年子矯老矣公孫夏從寡君以朝于君見於嘗酎

酒之新熟

重者為耐嘗新飲酒為嘗耐

與執燔焉

助祭

間二年間君將靖東夏

謂二

十年瀆
淵盟

四月又朝以聽事期

先瀆淵二月往朝以聽會期

不朝之間

無歲不聘無役不從以大國政令之無常國家罷病不

虞荐至

荐仍也

無日不惕豈敢忘職

惕懼也

大國若安定之

其朝夕在庭何辱命焉

言自將往不須來召

若不恤其患而以為

口實

口實但有其言而已

其無乃不堪任命而翦為仇讎

翦削也謂見剝

削不堪命則成仇讎

敝邑是懼其敢忘君命委諸執事執事實重

圖之

傳言子產有辭所以免大國之討

子產與范宣子論重幣

二十四年

范宣子為政諸侯之幣重鄭人病之二月鄭伯如晉子

產寓書於子西以告宣子

杜氏曰寓寄也

曰子為晉國四鄰諸

侯不聞令德而聞重幣僑也惑之僑聞君子長國家者

非無賄之患而無令名之難夫諸侯之賄聚於公室則

諸侯貳

貳離也

若吾子賴之則晉國貳

賴恃用之

諸侯貳則晉

國壞晉國貳則子之家壞何沒沒也

沒沒沈滅之言

將焉用賄

夫令名德之興也

德須令名以遠聞

德國家之基也有基無壞

無亦是務乎有德則樂樂則能久詩云樂只君子邦家

之基有令德也夫

詩小雅言君子樂美其道為邦家之基所以濟令德

上帝臨女

無貳爾心有令名也夫

詩大雅言武王為天所臨不敢懷貳心所以濟令名

恕思

以明德則令名載而行之是以遠至邇安毋寧使人謂

子子實生我

無寧寧也

而謂子浚我以生乎

浚取也言取我財以自生

象

有齒以焚其身賄也

焚斃也

宣子說乃輕幣

子產對晉人問獻捷

初陳侯會楚子伐鄭當陳隨者井堙木刊鄭人怨之

二十五年鄭子展子產帥車七百來伐陳遂入之

鄭子產獻捷于晉

杜氏曰獻入陳之功而不獻其俘

戎服將事

戎服軍旅之衣

異於朝服

晉人問陳之罪對曰昔虞闕父為周陶正以服事

我先王

闕父舜之後當周之興闕父為武王陶正

我先王賴其利器用也與

其神明之後也

舜聖故謂之神明

庸以元女大姬配胡公

庸用也元

女武王之長女胡公闕父之子滿也

而封諸陳以備三恪

周得天下封夏殷二王後又封

舜後謂之恪并二王後為三國其禮轉降示敬而已故曰三恪

則我周之自出至于今

是賴

言陳周之甥至今賴周德

桓公之亂蔡人欲立其出

陳桓公鮑卒於是陳

亂事在魯桓五年蔡出桓公之子厲公也

我先君莊公奉五父而立之

五父佗桓

公弟殺大子免而代之鄭莊公因就定其位

蔡人殺之

欲立其出故

我又與蔡人

奉戴厲公

奉戴猶奉事

至於莊宣皆我之自立

陳莊公宣公皆厲公子

夏氏之亂成公播蕩又我之自入君所知也

播蕩流移失所宣十

一年陳夏徵舒弑靈公靈公之子成公奔晉自晉因鄭而入也

今陳忘周之大德蔑我

大惠棄我姻親介恃楚衆以馮陵我敝邑不可億逞

億度

也逞也我是以有往年之告

謂鄭伯稽首告晉請伐陳

未獲成命

未得伐陳

命則有我東門之役

前年陳從楚伐鄭東門

當陳隧者井堙木刊

敝邑大懼不競而恥大姬

上辱大姬之靈

天誘其衷啓敝邑心

啓開也開道其心故得勝

陳知其罪授手于我用敢獻功晉人曰何

故侵小對曰先王之命唯罪所在各致其辟

辟誅也

且昔

天子之地一圻

方千里

列國一同

方百里

自是以衰

衰差降

今

大國多數圻矣若無侵小何以至焉晉人曰何故戎服

對曰我先君武莊為平桓卿士

鄭武公莊公為周平王桓王卿士

城濮

之役文公布命曰各復舊職

晉文公

命我文公戎服輔王

以授楚捷不敢廢王命故也

城濮在僖二十八年

士莊伯不能詰

士莊伯士弱也

復於趙文子文子曰其辭順犯順不祥乃受之

冬十月子展相鄭伯如晉拜陳之功

謝晉受其功

子西復伐

陳陳及鄭平

前雖入陳服之而已故更伐以結成

仲尼曰志有之

志古言書

以足志文以足言

足猶成也

不言誰知其志言之無文行而

不遠

雖得行猶不能及遠

晉為伯鄭入陳非文辭不為功慎辭哉

樞機之發榮辱之主。按春秋辭命子產為最故論語稱之曰為命裨諝草創之世叔討論之行入子羽修飾之東里子產潤色之然則辭命之所以善者蓋非一人之功也

子產對晉讓壞垣

三十一年魯襄公薨

子產相鄭伯以如晉晉侯以我喪故未之見也子產使盡壞其館之垣而納車馬焉士文伯讓之曰敝邑以政

刑之不脩冠盜充斥

杜氏曰充滿斥見言其多

無若諸侯之屬辱在

寡君者何是以令吏人完客所館

館舍也

高其閭閻

閭門也

厚其墻垣以無憂客使

無令客使憂冠盜

今吾子壞之雖從者

能戒其若異客何以敝邑之為盟主繕完葺牆

葺覆也

以

待賓客若皆毀之其何以共命寡君使勾請命

請問毀垣之命

對曰以敝邑褊小介於大國

介間也

誅求無時

誅責也

是以

不敢寧居悉索敝賦以來會時事

隨時來朝會

逢執事之不敢

聞而未得見又不獲聞命未知見時不敢輸幣亦不敢

暴露其輸之則君之府實也非薦陳之不敢輸也

薦陳猶獻

見也其暴露之則恐燥濕之不時而朽蠹以重敝邑之罪

僑聞文公之為盟主也

文公晉重耳

宮室卑庠無觀臺榭以

崇大諸侯之館館如公寢庫廡繕脩司空以時平易道

路

易治也

巧人以時填館宮室

巧人塗者填塗也

諸侯賓至甸設

庭燎

庭燎設火於庭

僕人巡宮

巡宮行夜

車馬有所

有所處

賓從有代

代客役巾車脂轄

巾車主車之官

隸人牧圉各瞻其事

瞻視客所當得

百

官之屬各展其物

展陳也謂羣官各陳其物以待客待賓

公不留賓而亦

無廢事

賓得速去則事不廢

憂樂同之事則巡之

巡行也

教其不知

而恤其不足賓至如歸無寧苗患

言見遇如此寧當復有苗患邪無寧寧也

不畏寇盜而亦不患燥濕今銅鞮之宮數里

銅鞮晉離宮

而

諸侯舍於隸人

舍如隸人舍

門不容車而不可踰越

門庭之內迫近

又有牆垣之限

盜賊公行而天厲不戒

厲猶災也言水潦無時

賓見無時

命不可知若又勿壞是無所藏幣以重罪也敢請執事

將何所命之

問晉命已所止之宜

雖君之有魯喪亦敝邑之憂也

言鄭與魯亦有同姓之憂

若獲薦幣也

薦進也

脩垣而行

行去也

君之惠也

敢憚勤勞文伯復命

反命於晉君

趙文子曰信

信如子產言

我實

不德而以隸人之垣以羸諸侯

羸受也

是吾罪也使士文

伯謝不敏焉晉侯見鄭伯有加禮

禮加敬

厚其宴好而歸

之乃築諸侯之館叔向曰辭之不可以已也如是夫子

產有辭諸侯賴之若之何其釋辭也詩曰辭之輯矣民

之協矣辭之繹矣民之莫矣

詩大雅言辭輯睦則民協同辭說繹則民安定莫猶

定也其知之矣

謂詩人知辭之有益

子羽辭公子圍

昭元年春

楚公子圍聘于鄭且娶於公孫段氏伍舉為介

杜氏曰伍舉椒

舉介副也

將入館

就客舍

鄭人惡之

知楚懷詐

使行人子羽與之言

乃館於外

舍城外

既聘將以衆逆

以兵入逆婦

子產患之使子

羽辭曰以敝邑褊小不足以容從者請墀聽命

欲於城外除地

為墀行昏禮

令尹命大宰伯州犂對曰君辱貺寡大夫圍謂

圍將使豐氏撫有而室

豐氏公孫段

圍布几筵告於莊共之

廟而來

莊王圍之祖共王圍之父

若野賜之是妾君貺於草莽也是

寡大夫不得列於諸卿也

言不得從卿禮

不寧唯是又使圍蒙

其先君

蒙欺也告先君而來不得成禮於女氏之廟故以為欺先君

將不得為寡君

老

大臣稱老懼辱命而黜退

其蔑以復矣唯大夫圖之子羽曰小國

無罪恃實其罪

恃大國而無備則是罪

將恃大國之安靖已而無

乃包藏禍心以圖之小國失恃而懲諸侯使莫不憾者

距違君命而有所壅塞不行是懼

言已失所恃則諸侯懲恨以距君命壅塞

不行所懼唯此

不然敝邑館人之屬也

館人守舍人也

其敢愛豐氏之

桃

桃遠祖廟

伍舉知其有備也請垂橐而入

垂橐示無弓

許之正

月乙未入逆而出

晉叔向詒子產論鑄刑書

昭六年

鄭人鑄刑書

杜氏曰鑄書於鼎以爲國之常法

叔向使詒子產書

詒遺也

曰始吾有虞於子

虞度也言準度子產以爲已法

今則已矣

已止也

昔先

王議事以制不爲刑辟懼民之有爭心也

臨事制刑不預設法也法

預設則民知爭端

猶不可禁禦是故閑之以義

閑防也

糾之以政

糾舉也

行之以禮守之以信奉之以仁制爲祿位以勸其

從

勸從教

嚴斷刑罰以威其淫

淫放也

懼其未也故誨之以

忠聳之以行

聳懼也

教之以務

時所急

使之以和

說以臨之使民臨之

以敬涖之以彊

施之於事為涖

斷之以剛

義斷也

猶求聖哲之上

明察之官

上公侯也官卿大夫也

忠信之長慈惠之師民於是乎

可任使也而不生禍亂民知有辟則不忌於上並有爭

心以徵於書而微幸以成之

因危文以生爭緣微幸以成其巧偽

弗可為

矣

為治也

夏有亂政而作禹刑商有亂政而作湯刑周有

亂政而作九刑三辟之興皆叔世也

言刑書不起於始盛之世

今吾

子相鄭國作封洫

在襄三

立謗政

作卹賦在四年

制參辟鑄刑

書

制參辟謂用三代之末法

將以靖民不亦難乎詩曰儀式刑文王

之德日靖四方又曰儀刑文王萬邦作孚如是何辟之
有民知爭端矣將棄禮而徵於書錐刀之末將盡爭之
錐刀末喻小事亂獄滋豐賄賂並行終子之世鄭其敗乎肝聞

之國將亡必多制其此之謂乎復書曰若吾子之言僑
不才不能及子孫吾以救世也既不承命敢忘大惠

見以

箴戒為惠。按此私相規儆非辭命也姑附此

吳蹶由對楚子

昭五年冬十月

楚子以諸侯及東夷伐吳以報棘櫟麻之役

杜氏曰役在四年

吳子使其弟蹶由犒師

犒勞

楚人執之將以釁鼓王使問

焉曰女卜來吉乎對曰吉寡君聞君將治兵於敝邑卜

之以守龜曰余亟使人犒師請行以觀王怒之疾徐而

為之備尚克知之

言吳令龜如此

龜兆告吉曰克可知也君若

驪焉好逆使臣滋敝邑休怠

休解也

而忘其死亡無日矣

今君奮馬震電馮怒

馮盛也

虐執使臣將以釁鼓則吳知

所備矣敝邑雖羸若早脩完

完器備

其可以息師

息楚之師

難

易有備可謂吉矣且吳社稷是卜豈為一人使臣獲釁

軍鼓而敝邑知備以禦不虞其為吉孰大焉國之守龜

其何事不卜

言常卜

一臧一否其誰能常之城濮之兆其

報在邲

城濮戰楚卜吉其效乃在邲

今此行也其庸有報志

言吳有報楚意

乃弗殺

鄭子產爭承

十三年

晉合諸侯于平邱及盟子產爭承

承貢賦之次

曰昔天子班

貢輕重以列

杜氏曰列位也

列尊貢重周之制也

公侯地廣故所貢者多

卑而貢重者甸服也

甸服謂天子畿內共職貢者

鄭伯男也而使從

公侯之貢

言鄭國在甸服外爵列伯子男不應出公侯之貢

懼弗給也敢以為

請諸侯靖兵好以為事

靖息也

行理之命

行理使人通聘問者

無月

不至貢之無藝

藝法制

小國有關所以得罪也諸侯脩盟

存小國也貢獻無極亡可待也存亡之制將在今矣自

日中以爭至于昏晉人許之既盟子大叔咎之曰諸侯

若討其可瀆乎

瀆易也

子產曰晉政多門

政不出一家

貳偷之

不暇何暇討

貳不壹偷苟且

國不競亦陵何國之為

不競爭則為人所侵

陵不成為國

仲尼謂子產於是行也足以為國基矣

子產答韓宣子買環十六年

晉韓起聘于鄭宣子有環其一在鄭商

杜氏曰玉環同
工共朴自共為

雙宣子謁諸鄭伯子產弗與曰非官府之守器也寡君

不知子大叔子羽謂子產曰韓子亦無幾求晉國亦未
可以貳晉國韓子不可偷也若屬有讒人交鬪其間鬼
神而助之以興其凶怒悔之何及吾子何愛於一環其
以取憎於大國也盍求而與之子產曰吾非偷晉而有
二心將終事之是以弗與忠信故也僑聞君子非無賄

之難立而無令名之患僑聞為國非不能事大字小之
難無禮以定其位之患夫大國之人令於小國而皆獲
其求將何以給之一共一否為罪滋大大國之求無禮
以斥之何饜之有吾有為鄙邑則失位矣不復成國若韓子
奉命以使而求玉焉貪淫甚矣獨非罪乎出一玉以起
二罪吾又失位韓子成貪將焉用之且吾以玉賈罪不
亦銳乎銳細小也韓子賈諸賈人既成賈矣商人曰必告君
大夫韓子請諸子產曰日起請夫環執政弗義弗敢復

也今買諸商人商人曰必以聞敢以為請子產對曰昔

我先君桓公與商人皆出自周

鄭本在周畿內桓公東遷并與商人俱

庸

次比耦

庸用也用次更相從耦耕

以艾殺此地斬之蓬蒿藜藿而共

處之世有盟誓以相信也曰爾無我叛我無彊賈母或

勾奪爾有利市寶賄我勿與知恃此質誓故能相保以

至于今吾子以好來辱而謂敝邑彊奪商人是教敝邑

背盟誓也母乃不可乎吾子得玉而失諸侯必不為也

若大國令而共無藝鄭鄙邑也亦弗為也

不欲為鄙邑之事

僑

若獻王不知所成敢私布之韓子辭王曰起不敏敢求

王以徼二罪敢辭之

傳言子產知禮宣子能改過夏四月鄭六卿餞宣子於郊宣子私

覲於子產以王與馬曰子命起舍夫王是賜我王而免吾死也敢不藉手以拜

子產對晉邊吏讓登陴

十八年夏五月宋衛陳鄭皆火

火之作也子產授兵登陴子大叔曰晉無乃討乎

辭晉公子

公孫而授兵似若叛晉

子產曰吾聞之小國忘守則危况有災乎

國之不可小有備故也既晉之邊吏讓鄭曰鄭國有災晉君大夫不敢寧居卜筮走望不愛牲王鄭之有災寡

君之憂也今執事擗然授兵登陴

擗然勁忿貌

將以誰罪邊

人恐懼不敢不告子產對曰若吾子之言敝邑之災君

之憂也敝邑失政天降之災又懼讒慝之間謀之以啓

貪人荐為敝邑不利

荐重也

以重君之憂幸而不亡猶可

說也

說解也

不幸而亡君雖憂之亦無及也鄭有他竟望

走在晉

言鄭雖與他國為竟每瞻望晉歸赴之

既事晉矣其敢有二心

傳言

子產有備

子產對晉人問立駟乞

十九年

鄭駟偃卒子游娶於晉大夫生絲弱

杜氏曰子游駟偃弱幼少

其父

兄立子瑕

子瑕子游叔父駟乞

子產憎其為人

憎子瑕

且以為不順

舍子立叔不順禮

弗許亦弗止

許之為違禮不許之為違衆故中立

他日絲以告

其舅冬晉人以幣如鄭問駟乞之立故駟氏懼駟乞欲

逃子產弗遣請龜以卜亦弗予大夫謀對子產不待而

對客曰鄭國不天寡君之二三臣札瘥天昏

大死曰札小疫曰瘥

短折曰夭未名曰昏

今又喪我先大夫偃其子幼弱其一二父兄

懼隊宗主私族於謀而立長親寡君與其二三老曰抑

天實剝亂是吾何知焉諺曰無過亂門民有亂兵猶憚過之而況敢知天之所亂今大夫將問其故抑寡君實不敢知其誰實知之平邱之會

在十三年

君尋舊盟曰無或

失職若寡君之二三臣其即世者晉大夫而專制其位是晉之縣鄙也何國之為辭客幣而報其使晉人舍之

子大叔對范獻子

二十四年是時王室亂尹氏立王子朝

鄭伯如晉子大叔相見范獻子獻子曰若王室何對曰老夫其國家不能恤敢及王室抑人亦有言曰嫠不恤

其緯

羸寡婦也織者常苦緯少寡婦所宜憂

而憂宗周之隕為將及焉

恐禍

及已

今王室實蠢蠢焉

蠢蠢動擾貌

吾小國懼矣然大國之憂

也吾儕何知焉吾子其早圖之詩曰鉶之磬矣惟壘之

恥

詩小雅壘大器鉶小器常稟於壘者恥而所受磬盡則壘為無餘故恥之

王室之不寧晉

之恥也獻子懼而與宣子圖之

宣子韓起

乃徵會於諸侯期

以明年

王子朝告諸侯

二十三年尹氏立王子朝杜氏曰尹氏周世卿也書尹氏立子

朝明非周人所欲立二十六年天王入于成周尹氏召伯毛伯以子朝奔楚按子朝乃周之庶

子不當立其告

諸侯皆歸辭也

王子朝使告于諸侯曰昔武王克殷成王靖四方康王

息民並建母弟以蕃屏周亦曰吾無專享文武之功

杜氏

曰不敢專故建母弟且為後人之迷敗傾覆而溺入于難則振救

之至于夷王王愆于厥身

夷王厲王父也愆惡疾也

諸侯莫不並走

其望以祈王身至于厲王王心戾虐萬民弗忍居王于

玁

不忍害王也愚謂此言民不堪君故流王于玁

諸侯釋位以間王政

間猶與也去其

位與治王之政事

宣王有志而後效官

宣王厲王子玁之亂宣王尚少召公虎取而長

之效授也至于幽王天不弔周王昏不若用愆厥位幽王宣王若

順也愆失也攜王奸命諸侯替之而建王嗣用遷邾郈攜王

少子伯服也王嗣宜曰也幽王后申姜生太子宜臼王幸褒姒生伯服欲立之而殺太子太子奔申申伯與鄩

及西戎伐周戰于戲幽王死諸侯廢伯服而立宜臼是為平王東遷邾郈則是兄弟之能用

力於王室也至于惠王天不靖周生頹禍心施于叔帶

惠襄辟難越去王都惠王平王六世孫頹惠王庶叔也莊十九年作亂惠王適鄭襄王惠

王子叔帶襄王弟僖二十四年叔帶作難襄王處汜則有晉鄭咸黜不端黜去也晉文殺

叔帶鄭厲殺子頹為王室去不端直之人以綏定王家則是兄弟之能率先

王之命也在定王六年秦人降妖

定王襄王孫定王六年魯宣八年

曰

周其有頤王亦克能脩其職諸侯服享二世共職

二世謂靈

景王室其有間王位諸侯不圖而受其亂災

間王位謂子朝也今

子朝以為王猛受亂災謂楚也今子朝以為晉

至于靈王生而有頤

靈王定王孫

王

甚神聖無惡於諸侯靈王景王克終其世

景王靈王子

今王

室亂單旗劉狄剥亂天下壹行不若

單旗穆公也劉狄劉蚩也壹專也

謂先王何常之有

言先王無常法

唯余心所命其誰敢討之帥

羣不弔之人

弔至也

以行亂于王室侵欲無厭規求無度

貫漕鬼神

貫習也
漕易也

慢棄刑法倍奸齊盟傲很威儀矯誣

先王晉為不道是攝是贊

攝持也贊佐也
先王謂景王

思肆其罔極

肆放也

茲不穀震盪播越竄在荆蠻

茲此也此不
穀子朝自謂

未有攸

底

底至也
攸所也

若我一二兄弟甥舅獎順天法無助狡猾以

從先王之命毋速天罰赦圖不穀

赦其憂而
圖其難

則所願也

敢盡布其腹心及先王之經而諸侯實深圖之昔先王

之命曰王后無適則擇立長年鈞以德德鈞以卜

此所
謂先

王之
經

王不立愛公卿無私古之制也穆后及大子壽早

天即世

在十五年

單劉贊私立少以間先王

間錯先王之制

亦唯伯

仲叔季圖之

伯仲叔季擬謂諸侯閔馬父聞子朝之辭曰文辭以行禮也子朝干景之命遠晉之

大以專其志無禮甚矣文辭何為。按此篇當削以其所陳多先王事始存之

鄭游吉對士景伯

三十年六月

晉頃公卒秋八月葬鄭游吉弔且送葬魏獻子使士景

伯詰之曰悼公之喪子西弔子矯送葬

杜氏曰在襄十五年

今吾

子無貳何故

弔葬共使

對曰諸侯所以歸晉君禮也禮也者

小事大大字小之謂事大在共其時命

隨時共所求

字小在

恤其所無以敝邑居大國之間共其職貢與其備御不

虞之患豈忘共命

言不敢忘共命以所備御者多不及辨之

先王之制諸侯

之喪士弔大夫送塋唯嘉好聘享三軍之事於是乎使

卿晉之喪事敝邑之間先君有所助執紼矣

紼輓索也禮送塋必

執紼

若其不問雖士大夫有所不獲數矣

不得如先王禮數

大國

之惠亦慶其加

慶善也謂善其君自行

而不討其乏明底其情

底致

也

取備而已以為禮也靈王之喪

在襄二十九年

我先君簡公

在楚我先大夫印段實往敝邑之少卿也

少年少也

王吏不

討恤所無也今大夫曰女盍從舊

盍何不也

舊有豐有省不

知所從從其豐則寡君幼弱是以不共從其省則吉在

此矣唯大夫圖之晉人不能詰

傳言大叔之敏

衛祝佗爭先蔡

定四年春三月

劉文公合諸侯于召陵謀伐楚也

杜氏曰文公王官伯也晉人假王命以討

楚之久留蔡侯故曰文公合諸侯

將會衛子行敬子言於靈公

子行敬子衛大

夫

曰會同難

難得宜

嘖有煩言莫之治也

嘖至也煩言忿爭

其使

祝佗從

祝佗大祝子魚

公曰善乃使子魚及臯鼬

將盟

將長蔡於

衛

欲令蔡先衛歟

衛侯使祝佗私於萇宏曰聞諸道路不知信

否若聞蔡將先衛信乎萇宏曰信蔡叔康叔之兄也

蔡叔

周公兄康叔周公弟

先衛不亦可乎子魚曰以先王觀之則尚德

也昔武王克商成王定之選建明德以蕃屏周故周公

相王室以尹天下

尹正也

於周為睦

睦親厚也以盛德見親厚

分魯公

以大路大旂

魯公伯禽也此大路金路錫同姓諸侯車也交龍為旂周禮同姓以封

夏后

氏之璜

璜美玉名

封父之繁弱

封父古諸侯也繁弱大弓名

殷民六族條

氏徐氏蕭氏索氏長勺氏尾勺氏使帥其宗氏輯其分

族將其類醜

醜衆也

以法則周公用即命于周

即就也使六族就周

受周公之法制

是使之職事于魯

共魯公之職事

以昭周公之明德

顯昭

也

分之土田陪敦

陪增也敦厚也

祝宗卜史

太祝宗人大卜太史凡四官

備

物典策

典策春秋之制

官司彝器

官司百官也彝器常用器

因商奄之民

奄商

國名也與四國流言或迸散在魯皆令即屬魯懷柔之

命以伯禽

伯禽周公世子時周公唯遣伯

禽之國故皆以付伯禽

而封於少皞之虛

少皞虛曲阜也在魯城內

分康叔

叔康

衡之祖

以大路少帛緒蒺旃旌

少帛雜帛也緒蒺大赤取染草名也通帛為旃析羽

為旌

大呂

鐘名

殷民七族陶氏施氏繁氏錡氏樊氏饑氏終

葵氏封畛土略自武父以南及圃田之北竟畛塗所徑也略界也

武父衛北界圃田鄭數名取於有閭之土以共王職有閭衛所受朝宿邑蓋近京畿

取於相土之東都以會王之東蒐為湯沐邑王東巡守以助祭泰山聃

季授土聘季周公弟司空陶叔授民陶叔司徒命以康誥而封於殷

虛康誥周書殷虛朝歌也皆啓以商政疆以周索皆魯衛也啟開也居殷故地因

其風俗開用其政疆理土地以周法索法也分唐叔唐叔晉之祖以大路密須之

鼓密須國名闕鞏甲名沽洗鍾名懷姓九宗職官五正懷姓唐之餘民九宗

一姓為九族職官五正五官之長命以唐誥而封於夏虛唐誥命篇名也夏虛大

夏今大原晉陽也

啓以夏政

亦因夏風俗開用其政

疆以戎索

大原近戎而寒不與

中國同故自以戎法

三者皆叔也而有令德故昭之以分物不然

文武成康之伯猶多而不獲是分也唯不尚年也管蔡

啓商甚間王室

甚毒也周公攝政管叔蔡叔開道紂子祿父以毒亂王室

王於是乎

殺管叔而蔡

素達反

蔡叔

周公稱王命以討二叔蔡放也

以車七乘徒七

十人

與蔡叔車徒而放之

其子蔡仲改行帥德周公舉之以為己

卿士

為周公臣

見諸王而命之以蔡

命為蔡侯

其命書云王曰胡

無若爾考之違王命也

胡蔡仲名

若之何其使蔡先衛也武

王之母弟八人周公為太宰康叔為司寇聃季為司空

五叔無官豈尚年哉

五叔管叔鮮蔡叔度成叔武霍叔處毛叔聃也

曹文之昭

也

文王子與周公異母

晉武之穆也

武王子

曹為伯甸非尚年也

伯以

爵居甸服言小

今將尚之是反先王也晉文公為踐土之盟衛

成公不在夷叔其母弟也猶先蔡其載書云王若曰晉

重

文

公魯申

僖

公衛武

叔

蔡甲午

莊

侯鄭捷

文

公齊潘

昭

公宋王臣

成

公莒期

茲丕公也齊序鄭下周之宗盟異姓為後

藏在周府可覆視也吾子

欲復文武之略

略道也

而不正其德將如之何萇宏說告

劉子與范獻子謀之乃長衛侯於盟

楚申包胥乞師于秦

四年吳入郢

初伍員與申包胥友

杜氏曰包胥楚大夫

其亡也謂申包胥曰我

必復楚國

復報也

申包胥曰勉之子能復之我必能興之

及昭王在隨申包胥如秦乞師曰吳為封豕長蛇以荐

食上國

荐數也言吳貪害如蛇豕

虐始於楚寡君失守社稷越在草

莽使下臣告急曰夷德無厭若鄰於君疆場之患也

吳有

楚則與秦鄰

逮吳之未定君其取分焉

與吳共分楚地

若楚之遂亡

君之土也若以君靈撫之世以事君撫存恤也秦伯使辭焉

曰寡人聞命矣子姑就館將圖而告對曰寡君越在草

莽未獲所伏

伏猶處也

下臣何敢即安立依於庭牆而哭日

夜不絕聲勺飲不入口七日秦哀公為之賦無衣

詩秦風取

其王于興師修我戈矛與子同仇與子偕作與子偕行

九頓首而坐

無衣三章章三頓首

秦

師乃出

五年申包胥以秦師至秦子蒲子虎帥車五百乘以救楚大敗吳師

魯孔子相夾谷之會

十年

十年春及齊平夏公會齊侯于祝其實夾谷

杜氏曰夾谷即祝其

也孔止相

相會儀也

犁彌言於齊侯曰孔止知禮而無勇若

使萊人以兵劫魯侯必得志焉

萊人齊所滅萊夷也

齊侯從之孔

止以公退曰士兵之

以兵擊萊人

兩君合好而裔夷之俘以

兵亂之

裔遠也

非齊君所以命諸侯也裔不謀夏夷不亂

華俘不干盟兵不偪好於神為不祥

盟將告神犯之為不善

於德

為愆義於人為失禮君必不然齊侯聞之遽辟之

辟去萊兵

也將盟齊人加於載書曰齊師出竟而不以甲車三百

乘從我者有如此盟孔止使茲無還揖對

無還魯大夫

曰而

不反我汶陽之田吾以共命者亦如之

須齊歸汶陽田乃當共齊命

齊侯將享公孔丘謂梁丘據曰齊魯之故吾子何不聞

焉

故舊典

事既成矣

會事成

而又享之是勤執事也且犧象

不出門嘉樂不野合

犧象酒器犧尊象尊也嘉樂鐘磬也

饗而既具是棄

禮也若其不具用秕稗也

秕穀不成者稗草之似穀者言享不具禮穢薄若秕稗

用秕稗君辱棄禮名惡子盍圖之夫享所以昭德也不

昭不如其已也乃不果享

孔子知齊侯懷詐故以禮距之齊人來歸鄆

謹龜陰之田

魯子貢對吳請尋盟

哀十二年

公會吳于橐皋吳子使大宰嚭請尋盟

杜氏曰尋卽盟

公不欲

使子貢對曰盟所以周信也

周固

故心以制之

制其義

玉帛

以奉之

奉贊明神

言以結之

結其信

明神以要之

要以禍福

寡君以

為苟有盟焉弗可改也已若猶可改日盟何益今吾子

曰必尋盟若可尋也亦可寒也

尋重也寒歇也

乃不尋盟吳徵

會于衛初衛人殺吳行人且姚而懼謀於行人子羽

子羽

夫衛大子羽曰吳方無道無乃辱吾君不如止也子木曰

吳方無道

子木衛大夫

國無道必棄疾於人吳雖無道猶足

以患衛

為衛患也

往也長木之斃無不標也

標擊

國狗之瘼無

不噬也

瘼狂也噬齧也

而況大國乎秋衛侯會吳于鄖公及衛

侯宋皇瑗盟

盟不書畏吳竊盟

而卒辭吳盟吳人藩衛侯之舍

藩離

子服景伯謂子貢曰夫諸侯之會事既畢矣侯伯致

禮地主歸餼

侯伯致禮以禮賓也地主所會主人也餼生物

以相辭也

各以禮相辭讓

今吳不行禮於衛而藩其君舍以難之

難苦困也

子盍見大

宰乃請東錦以行

以賂吳

語及衛故

若本不為衛請者

大宰嚭曰

寡君願事衛君衛君之來也緩寡君懼故將止之

執子

貢曰衛君之來必謀於其衆其衆或欲或否是以緩來其欲來者子之黨也其不欲來者子之讎也若執衛君是墮黨而崇讎也

墮毀也

夫墮子者得其志矣且合諸侯

而執衛君誰敢不懼墮黨崇讎而懼諸侯或者難以霸乎大宰嚭說乃舍衛侯

子服景伯對吳使者

哀十三年公會單平公晉定公吳夫差于黃池秋七

月辛

丑盟

吳人將以公見晉侯子服景伯對使者曰王合諸侯則

伯帥侯牧以見於王

杜氏曰伯王官伯侯牧方伯

伯合諸侯則侯帥

子男以見於伯

伯諸侯長

自王以下朝聘玉帛不同故敝邑

之職貢於吳有豐於晉無不及焉以為伯也今諸侯會

而君將以寡君見晉君則晉成為伯矣敝邑將改職貢

魯賦於吳八百乘若為子男則將半邾以屬於吳

半邾三百

乘

而如邾以事晉

如邾六
百乘

且執事以伯召諸侯而以侯

終之何利之有焉吳人乃止既而悔之

謂景伯欺之

將囚景

伯景伯曰何也立後于魯矣

何景伯名

將以二乘與六人從

遲速唯命遂囚以還及戶牖

戶牖陳留外黃縣西北

謂大宰曰魯

將以十月上卒有事於上帝先王季卒而畢何世有職

焉

有職於祭事

自襄以來未之改也

魯襄公

若不會祝宗將曰

吳實然

言魯祝宗將告神云景伯不會生為吳所囚吳人信鬼故以是恐之

且謂魯不共

而執其賤者七人何損焉大宰詒言於王曰無損於魯

而祇為名

適為惡名

不如歸之乃歸景伯

陳芋尹蓋對吳子

十五年

楚子西子期伐吳及桐汭陳侯使公孫貞子弔焉及良

而卒

杜氏曰良吳地

將以尸入

聘禮若賓死未將命則既歛於棺造於朝介將命

吳子

使大宰嚭勞且辭曰以水潦之不時無乃廩然隕大夫

之尸

廩然傾動貌

以重寡君之憂寡君敢辭上介芋尹蓋對

蓋陳大夫貞子上介

曰寡君聞楚為不道荐伐吳國滅厥民人寡

君使蓋備使

備猶副也

弔君之下吏無祿使人逢天之感大

命隕隊絕世于良

絕世猶言棄世

廢日共積

廢行道之日以共具殯歛所積聚之

用一日遷次

一日便遷次不敢留君命

今君命逆使人曰無以尸造

于門是我寡君之命委于草莽也且臣聞之曰事死如

生禮也於是乎有朝聘而終以尸將事之禮

朝聘道死以尸行事

又有朝聘而遭喪之禮

遭所聘之喪

若不以尸將命是遭喪

而還也無乃不可乎以禮防民猶或踰之今大夫曰死

而棄之是棄禮也其何以為諸侯主

謂主盟也

先民有言曰

無穢虐士

虐士死者

備使奉尸將命苟我寡君之命達于君

所雖隕于深淵則天命也非君與涉人之過也吳人內

之

傳言茅尹蓋知禮。按左氏辭命有其辭甚約而足以服諸侯者如諸侯之大夫如晉莒平公既葬欲因

見新君叔向辭之曰大夫之事畢矣而又命孤孤斬然在衰服之中其以嘉服見則喪禮未畢其以喪禮見是重受弔也大夫將若之何皆無辭以見真可謂善與賓客言者矣以其僅數語故不錄他放此

越使諸稽郢行成於吳

國語

吳王夫差起師伐越大夫種獻謀曰王不如設戎約辭行成以喜其民以廣侈吳王之心吾以卜之於天天若棄吳必許吳成而不吾足也將必寬然有伯諸侯之心焉既罷弊其民而天奪之食安受其燼乃無有命矣越王許諾乃命諸稽郢行成於吳

韋氏曰諸稽郢越大夫

曰寡君句

踐使下臣郢不敢顯然布幣行禮敢私告於下執事曰
昔者越國見禍得罪於天王天王親趨玉趾以心孤句
踐而又宥赦之君王之於越也繫起死人而肉白骨也
孤不敢忘天災其敢忘君王之大賜乎今句踐申禍無
良草鄙之人敢忘天王之大德而思邊垂之小怨以重
得罪於下執事句踐用帥二三之老家臣稱老
言此謙也親委重
罪頓頽於邊今君王不察盛怒屬兵將殘伐越國越國
固貢獻之邑也君王不以鞭箠使之而辱軍士使寇令

馬句踐請盟一介嫡女執箕箒以眩姓於王宮

一介一人眩備

也一介嫡男奉槃匱以隨諸御春秋貢獻不解於王府

天王豈辱裁之亦征諸侯之禮也夫諺曰狐狸之而狐
猾之是以無成功今天王既封殖越國以明聞於天下
而又刈亡之是天王之無成勞也雖四方之諸侯則何
實以事吳敢使下臣盡辭唯天王秉利度義焉

按句踐用大夫

種之謀為卑辭以驕吳吳果墮其計中此亦可為世戒故附焉

王孫圉對趙簡子

王孫圉聘於晉

王孫圉楚大夫也

定公饗之趙簡子鳴玉以相

定公晉頃公之子午也簡子趙鞅也鳴玉鳴其佩玉以相禮

問於王孫圉曰楚之白

珩猶在乎

珩佩上之橫者

對曰然簡子曰其為寶也幾何矣

幾何

世也曰未嘗為寶楚之所寶者曰觀射父

言以賢為寶

能作訓

辭以行事於諸侯

言以訓辭交結諸侯

使無以寡君為口實

口實毀弄

也又有左史倚相能道訓典以叙百物

叙次也物事也

以朝夕

獻善敗于寡君使寡君無忘先王之業又能上下說于

鬼神順道其欲惡

說媚也

使神無有怨痛于楚國

痛疾也

又

有數曰雲連徒洲金木竹箭之所生也

楚有雲夢藪澤也連屬也水中

之可居曰洲徒其名也

龜珠角齒皮革羽毛所以備賦用以戒不

虞者也

龜所以備吉凶珠所以禦火災角所以為弓弩齒象齒所以為珥皮虎豹皮也所以為茵韃革

犀兕也所以為甲冑羽鳥羽也所以為旌毛旌牛尾所以注竿首賦兵賦虞度也

所以共幣帛

以賓享於諸侯者也

享獻也

若諸侯之好幣具而導之以

訓辭

導行也

有不虞之備而皇神相之

能媚於神故皇神相之皇大也相助

也寡君其可以免罪於諸侯而國民保焉此楚國之寶

也若夫白珩先王之玩也何寶焉

玩玩弄之物

圉聞國之寶

六而已聖能制議百物以輔相國家則寶之王足以庇

廕嘉穀使無水旱之災則寶之王祭祀之玉也龜足以憲臧否

則寶之憲法也取善惡之法珠足以禦火災則寶之珠水精故以禦火災金

足以禦兵亂則寶之金所以為兵也山林藪澤足以備財用則


寶之若夫譁囂之美譁囂猶謹譁謂若鳴玉以相楚雖蠻夷不能寶

也微剝簡子

右春秋列國往來應對之辭凡三十七事東萊呂舍人曰文章

不分明指切而從容委曲辭不迫切而意亦獨至惟左傳為然如當時諸國往來之辭與當時君臣相告

相讓之語蓋可見矣亦是當時聖人餘澤未遠涵養
自別故辭氣不迫如此非後世人專學言語者比也



文章正宗卷一